



Inatsisartunut ilaasortaq Pele Broberg,
Naleraq

§ 37 naapertorlugu apeqquut nr. 128/2025-mut akissut

Brevdato: 25-09-2025
Sagsnr. 2025 - 15958

Matumuuna apeqquutinut tulluuttuniittunut akissutit nassiunneqarput.

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

- 1. Aningaasaqarnermut Akileraartarnermullu Naalakkersuisoqarfimmit Allakkiaq naapertorlugu, Naalakkersuisuni atorfilittat Kalaallit Nunaanni najugaqanngitsut akileraartanngitsullu ukioq 2023-imi katillugit 102,5 mio. kr.-imik akissarsiaqartinneqarput:**

- a. Immikkoortiterlugit, Naalakkersuisoqarfiit immikkoortortaqaqarfiillu sorlarni atorfeqarpat?**
- b. Sulisut katillugit qanoq amerlatigippat?**

Akissut:

Akissummut atugassatut Kalaallit Nunaata Danmarkimi sinniisoqarfianit, nunatta avataani sulisut amerlanersaannik pisortatigoortumik, tassani aamma nunani allani sinniisoqarfiit ilanngullugit atorfinitsitsinerni akisussaasumit ilapittuutunik pissarsisoqarpoq. Tamatuma saniatigut IT-mik aqqissusaaq Ledelsesinfomit paasissutissanut ilassutunik pissarsisoqarpoq.

Nalunaarsuiffik: Ulloq 31/12-2024 ukiumut atorfeqartitat aningaasarsiallu katinneri oqartussaqaqfinnut agguarlugit.

Oqartussaqaqfik	Ukiumut atorfillit	Aningaasarsiat katinneri mio.
Naalakkersuisut Siulitaasuata Naalakkersuisoqarfia	2,44	1,80
Aningaasaqarnermut Akileraartarnermullu naalak. DCR ilanng.	9,21	6,35
Ineqarnermut Attaveqarnermullu naalak.	0,5	0,30
Nunalerinnermut, Imminut pilersornermut, Nukissiuuteqarnermut Avatangiisinullu naalak.	3,57	2,48
Inussutissarsiornermut naalak.	2,35	1,74
Aatsitassanut Inatsisillu atuutsinneqarannut naalak.	2,39	1,96
Aalisarnermut Piniarnermullu naalak.	4,52	3,27
Isumaginninnermut Suliffeqarnermullu naalak.	5,81	3,83
Ilinniartitaanermut, Kulturimut Ilageeqarnermullu Naalak.	7,45	4,84
Ilinniartitaanermut, Kulturimut Ilageeqarnermullu Naalak. (qaammammusiallit)	* (paasissutissaqanngilaq)	13,06
Peqqissutsimut naalak. Peqqinnissaqaqfik ilanng.	18,7	12,88
Akileraartarnermut Aqutsisoqarfik	12,14	7,19
Oqaatsinut allatseqarfik	2,03	1,20
Pinngortitaleriffik	8,25	4,87
Ilisimatusarfik	7,04	3,91
Kalaallit Peqqissartut Illuat	51,15	20,67

Nunatta Sinnisoqarfia Kbh.	11,14	6,42
Kalaallit Nunaanni Ilinniarnertuunngorniarfiit	15,33	9,07
Katillugit	164,02	105,83

*Nalunaarsuiffik 1: Aningaasarsiat annertussusaannut ukiorlu tamaat atorfiit namminersorlutik oqartussani suliffinnut agguarnerat – Købehavnimit akissarsiallit 31/12-2024-mi naatsorsukkat aamma Ilinniartitaanermut, Kulturimut Ilageeqarnermullu Naalakkersuisoqarfik (122040110 qaammammusiak)
 * Nalunaarsugaq: Ledelsesinformi aningaasartuutit kisimik kisinneqartarput, aaqquissuussamilu taamaalilluni atorfinnik atuinerit sukumiisut pillugit paasissutigineqarsinnaanngillat. Taakkulu annertunermik tiimimut akunnermusialinnut tunngammata, tassani ukiumut atorfiit pillugit paasissutissanik pissarsisoqarsinnaanani.*

Nalunaarsuiffik apeqquummi atorussianut innersuunneqartunut sanilliussinissaq siunertaralugu ilusilerneqarpoq.

Erseqqissaatigineqassaaq apeqquaqartup allakkiaq eqqartugaa oktobari 2024-mi aningaasanut inatsimmik isumaqatiginninniarnermut atugassatut suliarineqartoq. Allakkiaq taamani suliarineqartoq Ledelsesinformit paasissutissanik kisimi tunngaveqarpoq, taamaammat siusinnerusumi kisitsisit pisoqaanerit kisitsisillu nutaat assigiinngillat. Naatsorsueriaatsit assigiinngitsut marluk pineqarmata, kisitsisit ineriartornerat pillugu imaaliillaannaq inerniliisoqarsinnaanngilaq.

2. Pisortaqarfinni, Naalakkersuisoqarfiit ataanniittuni, nunani allani najugaqartunik akileraartartunillu, 102,5 mio. kr.-imik annertutigisumik akissarsialerlugit atorfilittaqarneq, Naalakkersuisoqatigiik tamaavimmik isumaqatigaat attatiinnarusuppaallu?

Akissut:

Sulisut maani nunatsinni najugallit sapinngisamik aamma maani aalajangersumik najugaqarnissaat Naalakkersuisut piumaneruaat. Tamanna nunatsinni maani najugaqarnerup inuiaqatigisatsinni pisariaqartitanik allanngorarnernillu paasisaqarnerunermik soorunami attuumassuteqarpoq.


Taamaalillutik Naalakkersuisut innuttaasunut iluaqutaanerpaamik sulianik isumaginninnissamik qularnaarinissamut akisussaaffitsik eqqumaffigilluarpaat. Taamaammat Naalakkersuisut, suliat sapinngisamik aalajangersimasumik atorfilinnit, atajuartumik sulianilu qaffasissusilimmik qularnaarisinnaasunit isumagineqarnissaat, pingaartippat.

Taamaammat illuatungaani suliassat nunatsinniitinnissaat aappaatigullu nunatsinni nunanilu allani kalaallit innuttaasut sullinnissaasa oqimaqatigiissinnissaat Naalakkersuisut ingerlaavartumik nalilersortassavaat. Tamatigulli innuttaasunut pitsaanerpaamik aqqiinerup qulakkeernissaa aallaavigineqartuassaaq.

Tassunga atatillugu Naalakkersuisut sulisitsisutut, namminersorlutik oqartussat sulisuisa tamarmik innuttaasut sullinneqarneranni, Namminersorlutillu Oqartussat suliassaasa suliarineqarneranni pingaarutilimmik inissisimanerat erseqqissarumavaat. Taamaammat sulisut tamarmik suliaminnik iluarisimaarneqarnermik atorfeqartitaanermilu

toqqissisimanermik misiginissaat pingaaruteqarpoq. Taamaammallu sulisut tamarmik – inissisimaffik apequtaatinnagu – ataqqineqarnissaat suliainnilu toqqissisimanissaat, inuiaqatigiinnullu ilapittuinnerminnik tulluusimaarnissaat, Naalakkersuisut illersortuassavaat.

Inussiarnersumik inuulluaqqusillunga



Múte B. Egede